

Rezultati prve faze istraživanja su veliko saznanje i otkriće i za poljoprivredne stručnjake, koji su se bavili "površinama" sposobnim za poljoprivrednu obradu.

Značaj ovog rada je općenito velik za planiranje i intenzifikaciju poljoprivredne proizvodnje, a specijalno u BiH gdje su oskudne površine na kojima se može primijeniti traktorska obrada.

Prof.inž. Muftić Husein

### INFORMACIJA O III STEPENU STUDIJA

Završava se drugi semestar nastave na Postdiplomskom studiju za magistre geodezije pri Geodetskom odsjeku Gradjevinskog fakulteta u Beogradu.

Studij pohađa preko 20 kandidata, od kojih su dvojica iz SR BiH. Kandidati su većinom zaposleni na školama i fakultetima, a svega su dvojica iz privrede.

U prvom semestru kandidati su odslušali predavanja iz pripremnih predmeta, u koje ulaze razne matematičke discipline i Osnovi elektronike. Kandidati polažu po izboru pet pripremnih predmeta.

Stručni predmeti slušaju se u drugom i trećem semestru. Izučavaju se, uglavnom, Geodezija sa teorijom grešaka i računom izravnivanja, Inženjerska geodezija, Viša geodezija, kao i neka nova dostignuća u struci.

Predavači su domaći i strani profesori i stručnjaci. Pored nastavnika Geodetskog odsjeka u Beogradu prof.dr.-a M.Jovanovića, doc. dr.-a N.Činklovića, doc. dr.-a A.Živkovića i doc. dr.-a K.Mihajlovića, angažovani su profesori Geodetskog fakulteta u Zagrebu dr. N.Čubranić i inž. M.Janković, kao i p.puk. dr. M. Grašić iz Vojno-geografskog instituta.

Od stranih stručnjaka angažovani su prof.Wolf i prof.Bonac iz

Savezne republike Njemačke i prof. Meščerjakov iz Sovjetskog saveza. Prof. Wolf predavao je o satelitskoj triangulaciji, a prof. Bonac o modernom geodetskom elektronskom instrumentu za mjerenje dužina - geodimetru, sa praktičnim vježbama.

Prof. Meščerjakov predavaće o pomjeranju Zemljine kore.

Polaže se ukupno 12 stručnih predmeta.

Četvrti semestar predviđen je za izradu magistarskog rada.

Kandidati su dužni da plaćaju školarinu u iznosu od 1.000.- novih dinara po semestru.

U oktobru ove godine započeće sa studijem druga generacija.

Konkurs je već raspisan.

N. Kapetanović

MATURIRALI NA GEODETSKOJ TEHNIČKOJ ŠKOLI  
U SARAJEVU

Prema obećanju kojeg smo dali u prošlom broju Glasnika, počinjemo sa objavljivanjem spiska učenika koji su maturirali na Geodetskoj tehničkoj školi u Sarajevu od njenog osnutka do danas:

Maturirali 1947. godine:

Arnautović Hišam, Bajraktarević Esad, Benaček Jan, Bokonjić Slavko, Bošković Ljiljana, Čolić Milan, Džindo Besim, Jasika Mustafa, Klačar Fadil, Maleš Zvonimir, Milaković Branko, Mišanović Zlatko, Nožić Midhat, Sejdić Rizah, Šeremet Beuf, Topić Tajib, Žigić Hamdija.